

佛祖統紀

三冊

皇殿文庫

文庫19

F229

11



三世出興志第一

佛祖統紀卷三十一

天宋景定四明東湖沙門

志磐

撰

久遠劫來諸佛出世已粗陳於釋迦本紀之前矣。今約三千如來用明七佛繼興及今佛像末法滅之相承之以彌勒下生終之以樓至成佛乃至星宿未來莫不略錄茲蓋充論此方一須彌山南洲之化事而十方刹土正可以會通云耳。荆溪師云必有一人最初先覺遂以斯道轉覺後覺相續不已覺者滋多乃有十方三世諸佛爲明此義撰三世出興志。梵語劫波此云分別時節論智以人壽八萬四千歲首年命減一年減至十歲百年增一年或云子倍父壽復增至



八萬四千歲。如是一減一增。為一小劫。二十增減。為一中劫。摠成住壞空四中劫。為一大劫。新論今論過去。見在。未來三世。各一大劫。

過去莊嚴劫。

此劫有成住壞空各二十小劫

成二十小劫。

每一小劫各一增後放此

住二十小劫。有千佛次第出世。始自華光佛。終至毗

舍浮佛。

過去七佛有三佛在莊嚴劫。四佛在賢劫。

九百九十八尊。毗婆尸佛。姓拘利若父。槃頭母。波提子。方膺侍者。無憂人壽八萬歲。出世。居般頭波提城。坐波波羅樹下。說法三會。度人三十四萬八千人。

九百九十九尊。尸棄佛。姓拘利若父。明相母。光曜子。無量侍者。忍行人壽七萬歲。出世。居光相城。坐分陀利樹下。說法三會。度二十五萬人。

毗舍浮佛。第一千尊。姓拘利若父。善燈母。稱戒子。妙覺侍者。寂滅人壽六萬歲。出世。居無喻城。坐娑羅樹下。說法度十三萬人。

長阿含經云。此三劫中。今言七佛。相去劫數遼遠。故不同在莊嚴劫中。今言七佛者。多準藥王經。阿含經三劫三千佛之義。

壞二十小劫。

空二十小劫。

成住壞四者之相並於後賢劫中見

見在賢劫。以多賢人。故名賢劫。智論

成二十小劫。自過去莊嚴劫。壞空之後。至今賢劫初



成時光音天空中布金色雲徧覆梵天注大洪雨  
猶如車軸積風輪上結為水輪增長至天住界南  
斷水退有大風起吹水生法擲置空中作梵天宮  
殿七寶間成水復退下如前風起吹擲水沫成魔  
羅波旬宮殿次造他化自在天展轉至夜摩天宮  
殿水復退下大風吹沫造須彌山四寶所成復吹  
水沫造三十三天七寶宮殿復於山腹造四天王  
宮及日月星天七寶宮殿及造空居夜叉頗梨宮  
殿又於須彌四面作脩羅城七寶莊嚴又吹水沫  
作七金山四大洲八萬小洲周匝安置小輪圍山  
金剛所成如是風吹擲大地漸漸深入置大水

聚成七香水海及大鹹水海又於地下造閻摩羅  
宮殿地獄住處如是三千世界一時同成此外更  
造大輪圍山包裹此大千界其中六欲須彌日月  
四洲乃至小鐵圍山各有萬億此約經歷二十增  
減次第而成起世經

第一小劫增減過去劫壞一切有情又集光音天中天  
衆既多居處迫窄諸福減者應下居世間最初有  
一天子從光音沒來生大梵宮殿之中是為梵王  
經一減一增念言無有梵子來生我處梵王先生後沒經成劫以此為壽

第二小劫增減時光音諸天來生梵世者為梵輔天壽四



十小劫即是自成劫第二增減劫至第一增減時後

第三小劫增光音諸天復有來生梵世者為梵眾天

壽二十小劫即是自成劫第三增減劫至第二增減時後不定則沒時亦前後不漸漸下生六欲諸天人趣以惡業力漸漸下

生餓鬼旁生地獄後成先壞法爾如斯時光音諸天福盡來下作生為人或樂觀新地者光明遠照

飛行自在無有男女之相眾共生故故名眾生承以眾作平聲其實無據地涌甘泉味如酥蜜以指試嘗遂生

味著失其神足及以身光世間大闇黑風吹海漂出日月置須彌山腹照四天下時諸人輩見出則喜見入則懼自茲之後乃有晝夜晦朔春秋歲數

終而復始由耽地味顏色粗悴地味既隱乃生林

藤藤兩枝謂翁復共耽食林藤復隱便生自然統緒

統音庚統不結無有練捨苦會反備眾美味此食稍粗穢在身為欲蠲除便有二道成男女根情慾多者

便為女人宿習力故便生娼欲夫妻共住光音諸天後來生者入母胎中遂有胎生是時先造瞻婆

大城乃至一切城郭自然統緒朝刈暮熟刈後隨生米長四寸時眾生并取二日糧乃至取五日糧

漸生糠粃刈上不生眾懷憂惱各封田宅造作田種其後多有盜他田稻便相拳鬪無能決者議立

一平等王賞善罰惡便有刀杖殺戮眾共供給號



刹帝利此云主自後諸王以此為首時閭浮提天下  
富樂安隱八萬郡國人民聚落雜鳴相聞無有病  
患大寒大熱主行十善正法治國人民愛敬壽極  
大以諸經多言壽極八萬四千後王不行正法其  
壽漸減至八萬四千歲時身長八丈百年命減一  
年身減一寸如是減至十歲身長一尺名為減劫  
之極自此之後百年增一年有經言千倍又壽者縱有此事增減不齊  
增至八萬四千歲名為增劫之極一減一增終而  
復始增至八萬四千歲時有金輪王出七寶千子  
治四天下國立豐樂女年五百歲方嫁此後凡遇  
增劫之初皆有金輪王出世長阿舍經

第四小劫

增減

乃至第二十小劫

增減

住二十小劫

第一小劫

增減

○光音諸天來生梵世最初為梵眾天  
者至此壽滿二十小劫於此劫沒

第二小劫

增減

第三小劫

增減

第四小劫

增減

第五小劫

增減

第六小劫

增減

第七小劫

增減

第八小劫

增減

第九小劫

增減

人壽減至五萬歲時第一拘留孫佛出



世姓迦葉父禮德母善枝侍者善覺子上勝居安和城坐尸利沙樹下說法一會度四萬人

減至四萬歲時第二俱那含牟尼佛出世姓迦葉父大德母善勝侍者安和子導師居清淨城坐烏暫婆羅門樹下說法一會度三萬人

減至二萬歲時第三迦葉佛出世姓迦葉父梵德母財主侍者善友子集軍居波羅柰城坐尼俱律樹下說法一會度二萬人

減至一百歲時第四釋迦牟尼佛出世本在一萬歲時為觀衆生無機可度至百歲劫末苦逼故出乎世

長阿含經  
大智度論

減至八十六歲時盡正法一千四百年

案法住記佛告阿難我滅度後正法一千年由女人出家減五百年像法一千年末法一萬年善見論云佛初不度女人後為說八敬法還得一千年法苑云天人答南山曰佛錫杖在龍窟中四十年住為如來去後有飛行羅刹能說十二部經詠為善比丘食諸持戒者日別四百為斷此惡故鎮龍窟中復令正法增住四百年像法增千五百年末法增二萬年

減至七十八歲入像法八百年是為今時正得壽

以佛滅二千二百年為約今減二十  
二歲至理宗淳祐十一年維之



減至六十一歲盡像法二千五百年解見前文

減至三十歲入末法三千一百年人長三尺時饑

饑災起由人民皆行十惡草米穀五種上味悉

皆隱沒唯煎朽骨共為燕會若遇一粒粟稗藏護

如寶六七年來夫不降雨尚不得水何況飲食人

多餓死郡邑空荒七年七月七日其災方息時有

一人合集男女有福德者凡得萬人留為人種人

能行善所須飲食夫即雨下雜出阿毗曇論喻伽對法論中阿含經莊

等文

減至二十歲入末法四千一百年人長二尺時疾

疫災起由人行惡復盛俱遭病死無人送埋郡邑

空荒唯少家在經七月七日其災方息唯留萬人

為種人持善行飲食衣服天即雨下

減至十歲入末法五千一百年人長一尺女人五

月便嫁時刀兵災起由人行惡轉盛各起殺害之

心能行惡者為人所敬隨執草木瓦石皆成刀劍

更相殘害橫死無數亦有厭惡入山隱藏七日七

夜其災方息唯留萬人為種人從隱處而出更互

相見起慈愍心共行善法衣食所須夫即雨下由

能行善壽復增長復從百年命增一年已上謂之

乘正義若值大三災則依正俱壞也

南洲人壽至十歲時刀兵劫起互相誅戮佛法是



時當暫滅沒法住記

增至四十九歲時入末法一萬年月光菩薩出真

卅國即東土說法滿五十二年廣度衆生入涅槃

後首楞嚴經般舟三昧經先滅不現餘經次第而

滅無量壽經後住百年大度衆生然後滅去本起經

案無量壽經云當來之世經道滅盡我以慈悲哀憫特留此經止住百歲其有衆生值斯經者隨意所願皆可得度南岳頌文云我今誓願時令此經不滅至彌勒佛出世

增至一百歲時入末法一萬五千一百年南洲人

復修善時十六阿羅漢與諸弟子復來人中顯說

無上正法度無量衆令其出家法滅盡經法住記

增至二百四十四歲時入末法二萬九千五百年

法將滅時尚五百歲一心修此法華三昧即得六

根清淨故知末代亦有入大乘之機淨名疏引

增至二百四十九歲時盡末法三萬年

增至七百歲時十六羅漢弘法已畢自下入世至今應五千年

化以一切經典舍利收聚起塔結加趺坐圍遶此

塔俱沒於地是爲佛法滅盡之相自此有千億辟

支佛出世說法利益衆生法滅盡經○法住記人壽七萬歲時十六羅漢

用七寶造塔塔波釋迦遺身軀都皆集其內香華供養作如是言我先受勅護持正法及與大人作

諸繞益法藏已沒有緣已周今辭滅度先定願力火起焚身時塔波便墮入地住金剛際爾時釋

迦正法末滅從此世間有七百萬俱胝獨覺一時出

現人壽八萬歲時獨覺聖衆復皆滅度次後彌勒如來出現世間○記言七萬歲滅去末法太遠今以經云七百萬歲爲正



增至二萬歲時鐵輪王出獨治南洲俱舍論金銀

三四洲鐵輪王一  
洲金輪王四洲

增至四萬歲時銅輪王出治東南二洲

增至六萬歲時銀輪王出治東西南三洲

增至八萬四千歲時金輪王出治四天下輪王成

就七寶一金輪寶者若聖王出天金輪寶忽現在

前輪有千輻天匠所造輪徑丈四聖王見之手摩

輪曰可向東方如法而轉輪即東轉王將四兵隨

其後行東方諸小王來請拜云善哉大王願於此

治時聖王言汝等當以正法治化勿使偏枉諸王

聞之即從聖王巡行諸國至東海表南西北方隨

輪所至亦復如是二白象寶者王坐殿上忽現在

前即試習乘其上清且出城周行四海食時已還

三紺馬寶者忽然現前清且乘行食時即返四神

珠寶者忽現在前置高幢上光照一由旬城中人

民皆起作務謂是晝日五玉女寶者忽然出現顏

色端正冬溫夏涼六居士寶者諸經名忽然出現

地中寶藏皆悉知見七主兵寶者忽然出現智謀

雄猛專任討伐是為輪王七寶成就長阿含經

第十小劫增減至八萬歲時第五彌勒佛出世時閻

浮提其地平正如琉璃鏡華林茂盛高三十里八

萬四千衆寶小城周徧天下其中大城名翅頭末



七寶樓閣七重行樹園林浴池八功德水街巷道陌廣十二里其土安隱無有怨賊劫竊水火刀兵饑饉之難有明珠柱高十二里光明逾日晝夜常照香風時來吹珠柱上雨寶璽珞衆人取之以爲服用衆寶羅網彌覆城上風吹寶鈴演說歸依佛法僧人身長十六丈壽命滿八萬歲無有中夭女人五百歲方嫁日受妙樂遊深禪定如三禪天人常慈心恭敬和順皆由彌勒慈心訓導持不殺故唯有三病一者飲食二者便利三者衰老有香義稿一種七種百味具足入口消化便利之時地裂生赤蓮華以蔽穢氣人民既老自然行詣樹下念

佛待盡生大梵天及諸佛前有轉輪聖王名曰優佉音裏下七寶千子四大寶藏滿中珍寶衆人見之心不貪著各各謂言釋迦佛時往昔衆生爲此寶故更相偷劫造生死罪時彌勒菩薩於兜率天宮當下作佛生大婆羅門家父名脩梵摩母名梵摩跋提下生託胎身紫金色三十二相坐寶蓮華光明無量身長三十二丈如黃金山正念觀察苦空無常不樂在家時優佉王持七寶臺奉上彌勒受已施諸婆羅門即便毀壞各共分之彌勒見此寶臺須臾無常知有爲法皆悉變滅修無常想讚過去佛無常之偈諸行無常是生滅法生滅滅已



寂滅為樂說此偈已出家學道詣翅頭末城外金  
剛莊嚴道場龍華菩提樹下枝如寶龍吐百寶華故名龍華即於  
是日初夜降魔成道釋梵四天請轉法輪時優婆  
塞王與八萬大臣俱求出家須髮自落即成沙門時  
彌勒佛與優婆塞王等諸比丘僧天龍八部入翅頭  
末城中央其地過去諸佛所坐金剛寶座自然涌  
出佛於此座轉正法輪時諸婆羅門長者須達那  
今須達長者是轉輪王寶女即玉女寶舍彌婆帝今毗  
舍佉母是彌勒親族須摩提今善賢比丘尼是各  
與八萬四千人出家學道時優婆塞王千子俱求出  
家唯留一子用嗣王位彌勒世尊初會於金剛座

上說法九十六億人得阿羅漢二會於城外華林  
園說法九十四億人得阿羅漢三會復在華林園  
說法九十二億人得阿羅漢西域記云波羅奈國彌勒受記成佛處佛告彌勒三會說法其得度者皆我遺法植福衆生在家出家持戒戒者蒙化導證果解脫三會之後乃化同是時彌勒與無量人登耆闍崛山頂手摩山峯摩訶迦葉即從定起持佛僧伽梨衣授與彌勒滿身虛空作十八變入般涅槃收身舍利山頂起塔彌勒佛住世六萬歲入滅之後諸天世人收取舍利於四天下各起八萬四千寶塔正法住世六萬歲像法亦六萬歲華嚴經出彌勒下生經彌勒來時經彌勒成佛經賢愚經

○菩薩處經云彌勒下生經彌勒來時經彌勒成佛經賢愚經處經五十億七千六百萬歲彌勒下生經上生



經云五十六億萬歲莊嚴錄自佛滅取跡出生有八百八十萬九千二百年諸說不同未曾校算

十一小劫增減

十二小劫增減

十三小劫增減

十四小劫增減

十五小劫增減此減劫中自第六師子佛下至欲樂佛

凡九百九十四佛相繼出興說法度人俱舍論

佛告頻婆娑羅曰過去然燈佛滅後有一獼猴見

羅漢入定即取坐具披作袈裟遽比丘行比丘定

起為說三歸五戒求菩提法獼猴依教受已踊躍

歡喜緣樹墜死生兜率天值一生補處菩薩為說

無上道從是以後位佛無數於最後身次彌勒後

當成菩提號師子月佛今漢須密多是也師子月

十六小劫增減

十七小劫增減

十八小劫增減

十九小劫增減

二十小劫增減最後增劫中第一千樓至佛以本願力

故出增劫早出暮滅是時人多厭世修諸禪定住

劫已極易可化度但使性是沙門汚沙門行形似

沙門被著袈裟於彌勒佛所得入涅槃無有遺錯

俱舍論  
大悲經



述曰釋迦遺教不了之徒寄諸彌勒彌勒遺教寄諸九百九十四佛此諸遺教次第相寄最後以寄樓至樓至之世易可化度苟或不了可謂極鈍極鈍之機不免有待星宿之劫悲夫佛佛世世得逢遺教縱未得出猶以為幸倘因中間造極重惡長劫無聞則與佛相背此為可痛如目連入地獄問訊調達獄卒報云此有迦葉佛時調達釋迦佛時調達欲問何者此雖大權難以情測權必引實寧無實報之輩惟茲末代此土修行有教無證欲祈易了莫若專修淨土往生之行則一登無生永居不退後佛化化正可

樂願來參學之樂寄言有志當思務進

拘留孫佛人壽四萬歲時出拘那含牟尼佛三萬歲時出迦葉佛二萬歲時出釋迦佛百歲時彌勒佛八萬四千歲時師子佛七萬歲時光炎佛九萬歲時柔仁佛六萬歲時華氏佛五十萬歲時次復有華氏九億歲時善月佛七萬歲時現義佛百歲時出云第一千慧業佛即樓至人壽八萬歲時出賢劫千佛過已六十五劫無佛此增小劫一劫一然後有劫名曰大辨往昔擇明輪王千子於此昔阿斯劫成最正覺過是劫已竟八十劫都無佛興然後有劫名喻星宿音秀後同往昔擇明輪王八萬大臣於



斯劫中成取正覺過是劫已竟三百劫亦無佛興  
然後有劫名重清淨轉明輪王聖后米女成最正  
覺賢劫

迷曰俱舍論約三世增減論三千佛出興之漸  
賢劫經明諸佛出興有久有近不定劫數此有  
三意一者佛起機所說不同二者結集部別不  
同三者傳譯前後不同以和會此何然粗論  
次第取證增減則必以俱舍為本慈恩劫章正  
取此論

二十小劫增減火災壞至初禪壞劫有火水風大三  
災今賢劫中止論

情世間經十九增減次第壞盡唯器世間空曠而  
住乃至三千世界一切有情都盡最後一增減劫  
方壞器世間世間如各有七日從海底出大海盡竭  
須彌崩壞風吹猛燄燒上梵天悉成灰燼乃至三  
千世界一時燒盡此為依正俱壞名為壞劫理正  
空二十小劫增減自初禪梵世已下世界空虛猶如黑  
穴無晝夜日月唯有大冥如是二十增減之又三  
為空劫俱舍

未來星宿劫千佛出興  
如天星宿

成二十小劫增減

住二十小劫增減此劫中有千佛次第出始自日光佛



終至須彌相佛藥王佛言我滅度後若有勤修功德行衆三昧稱彌勒名行六事法度也必定得生兜率天上亦隨彌勒下生閻浮第一閼風於未來世值遇賢劫一切諸佛於星宿劫亦值諸佛受菩提記彌勒上生經

壞二十小劫增

空二十小劫增○成住壞空之相並如前釋

有能一日夜持不殺戒決定不逢刀兵災起能以一訶梨勸果起殷淨心奉施僧衆決定不逢疾疫災起能以一搏食施諸有情決定不逢饑饉災起東西二洲無根本三災而有相似三災謂嗔增盛

似刀兵身羸劣似疾疫數加飢渴似饑饉北洲根本相似俱無新婆沙論三災起時復有三種最極衰損一壽量謂極至十歲二依止謂身量極至一拵手三資具謂以粟稗爲食中第一以髮爲衣中第一以鐵爲莊嚴第一瑜伽論○壞障同障各反周尺人一尺佛二尺大三災者一大劫終必一火災起如前賢劫成住壞劫如是經七大劫七火災凡七壞初禪復經一大劫有一水災起壞至二禪如是七七火災相間七水災復經七火災凡五十六番火壞初禪七番水壞二禪復經一大劫有一風災起總之爲六十四大劫爲大三災始終之相依俱舍論出義



初火災壞初禪者。火欲起時。地獄罪畢。求生人中。有定業者。轉生他方。地獄乃至無有。一情名為地獄已壞。畜生餓鬼阿脩羅亦次第盡。是時世間皆行十善。人身之內。無有諸蟲。與佛身同。以由是時。旁生壞。故時此南洲一人。無師法然。得初靜慮也。禪從靜慮起。唱言。離生喜樂甚。樂甚。靜。餘人聞已。皆入靜慮。命終。並得生梵世中。東西二洲。例此。應說北洲。根鈍。無離欲念。命終。生欲界天。靜慮現前方能離欲。乃至人趣。無有一情。名為人趣已壞。時欲界六天一人。法然。得初靜慮。乃至並得生梵世中。名為欲界已壞。時梵世中一人。法然。得二靜慮也。禪唱言。定生喜樂甚。樂甚。靜。

餘天聞之。皆入靜慮。命終。並得生光音天。乃至梵世大梵已壞。始從地獄終。至梵天。經十九增減。有情世間次第壞盡。唯器世間空曠。而住。乃至三千世界一切有情。同業壞盡。最後一增減劫。方壞器世間。於此漸有七日。輪出。有大黑風。吹海水為兩披。初取一日。置須彌腹日道中。行。草木彫落。次取二日。河渠皆竭。海水漸涸。七百由旬。三日出時。恒河俱竭。四日出時。阿耨池竭。五日出時。四大海水七千由旬。一時竭盡。六日出時。大地火起。靡不燒壞。七日出時。須彌山壞。眾山洞然。風吹猛燄。燒上天宮。乃至梵天。無遺灰燼。自地火燄燒自宮殿。非他地火能壞他。由相引起。



說燒上。始從地獄至于梵天。於一增減劫。次燒盡。乃至三千世界一時俱壞。是為火災壞。初禪火災過。後世界空虛。猶如黑火。經二十增減之久。大雲降雨。水長至天。風吹水沫。作梵天宮。如是下至地獄如前。建立。在前成劫說。○難出長阿含經。因本經。難心。前。顯宗論。順正理論。瑜伽對法論。次水災壞。二禪者。當火起時。地獄餓鬼旁生四洲人。趣六欲。諸天次第得生。二禪於二禪中。時有一天。自然得三禪定。餘天聞之。皆入此定。得生三禪。是時二禪中有俱生。水界起。壞器世間。猶水消鹽。一時俱沒。有說從三禪邊空中。然雨熱。是為水災壞。二禪水灰水。有說從下。水輪涌水上騰。是為水災壞。二禪水灰。後如前空。二十小劫。如前大雲降雨。風吹水沫。

成光音天宮下至地獄後成

三風災壞。三禪者。當火起時。下地諸趣有情及六欲。二禪次第得生。三禪時有一天。自然得四禪定。餘天聞之。皆入此定。得生四禪。是時三禪中有俱生。風界起。壞器世間。吹諸天宮。相拍粉碎。諸大山王亦皆拍碎。如風乾肢節。悉皆消盡。是為風災壞。三禪。有說從四禪邊空中。然風起。飄擊。有說從下風輪擊。風上騰。○出順正理論。瑜伽對法論。如是東方無量世界。或有將壞。或有將成。或有正壞。或壞已空。或有正成。或成已住。乃至十方。亦爾。若有情世間。若器世間。業煩惱力所生。故業煩惱增上力所起。故。對法論。初禪內有覺觀。火擾亂。故外為火災所燒。二禪內。



有喜水壞亂故外為水災所漂三禪內有出入息風  
擾亂故外為風災所壞四禪不定相續隨彼天生宮  
殿俱起若天命終宮殿亦沒論難四禪內外過患一  
切皆無經劫劫皆壞初禪者為順初禪一劫壽故  
次經八劫方壞二禪為順二禪八劫壽故次經六十  
四劫方壞三禪為順三禪六十四劫壽故禪

三世出興志第一

世界名體志第一

佛祖統紀卷三十二

天宋景定四明東湖沙門

志磐

撰

上窮寶焰下徹風輪此華嚴所明一世界種堅高則  
且約二十重周圍則略得十一數復由此數隨方各  
十則揔之為百十一如天帝珠網分布而住斯但舉  
其一分云耳若推而廣之則十不可說微塵世界遙  
相連接周徧建立各各佛出現各各滿衆生是為華  
藏莊嚴世界海也若夫娑婆大千須彌四天下南洲  
五竺東華震旦若名若體有說有圖雖自廣以至狹  
實舉別而會揔既明三世須辨方界此學者所宜知  
也撰世界名體志



華藏世界海圖

大千萬億須彌圖

四洲九山八海圖

三千大千世界圖

須彌忉利天宮圖

諸天通論

身量

壽星

衣量

身光

業因

報果

廣狹

凡聖

論無色身處

論天主

論四禪四地

東華震旦地理圖

漢隋西域諸國圖


西土五仰諸國圖

八熟地獄圖

十六遊增地獄圖

八寒地獄圖

華藏世畧圖



具如界世光音離  
華珠如狀界世光音離  
闍入狀其界世光音離  
甲龜如界世光明光  
字已實如界世光明光  
空虛如狀界世光明光  
華苑如狀界世光明光  
月半如狀界世光明光  
圓周狀其界世光明光  
形天梵如狀界世光明光  
網珠如狀界世光明光  
閣樓如狀界世光明光  
方四如狀界世光明光  
方普如狀界世光明光









說佛刹於中布列○最下第一重名最勝光徧照狀如摩尼寶二佛刹塵世界圍遶佛號淨眼離垢燈第二重名種種香蓮華妙莊嚴世界狀如師子座二佛刹塵世界圍遶佛號師子光勝照第三重名寶莊嚴普照光世界其形八隅三佛刹塵世界圍遶佛號淨光智勝幢第四重名種種光明華莊嚴世界狀如摩尼蓮華四佛刹塵世界圍遶佛號金剛光明無量精進力善出現第五重名普放妙華光世界其形普方而多隅角五佛刹塵世界圍遶佛號香光喜力海第六重名淨妙光明世界其形四方六佛刹塵世界圍遶佛號普光自在幢第七重名眾華燄莊嚴世界狀

如樓閣七佛刹塵世界圍遶佛號歡喜海功德名稱自在光第八重名出生威力地世界狀如因陀羅網八佛刹塵世界圍遶佛號廣大名稱智海幢第九重名出妙音聲世界狀如梵天身九佛刹塵世界圍遶佛號清淨光明相無能催伏第十重名金剛幢世界其狀周圍十佛刹塵世界圍遶佛號一切法海最勝王第十一重名恒出現帝青寶光明世界狀如半月十一佛刹塵世界圍遶佛號無量功德法第十二重名光明照耀世界狀如華旋十二佛刹塵世界圍遶佛號起釋梵第十三重名娑婆世界狀如虛空以普圓滿天宮而覆其上十三佛刹塵世界圍遶佛號毗



盧遮那<sup>此即十蓮華藏微塵數相千葉盧舍</sup>那<sup>華百億國中當第十三世界也</sup>第十四重名寂靜離塵光世界狀如執金剛形十四佛剎臺世界圓遶佛號遍法界勝音第十五重名衆妙光明燈世界狀如卍字十五佛剎臺世界圓遶佛號清淨日功德眼第十六重名清淨光徧照世界狀如龜甲十六佛剎臺世界圓遶佛號不可摧伏力普照幢第十七重名寶莊嚴藏世界其形八隅十七佛剎臺世界圓遶佛號無礙智光明徧照十方第十八重名離塵世界狀如珠璣十八佛剎臺世界圓遶佛號無量方便最勝幢第十九重名清淨光普照世界十九佛剎臺世界圓遶佛號普照法界虛空光第二十重名

妙寶燄世界狀如寶莊嚴具二十佛剎臺世界圓遶佛號福德相光明此二十重上闕下狹如倒安淨圓○若廣說世界種所依形狀數有利塵或名回轉形<sup>清涼疏稱囊往來之形</sup>乃至江河形旋流形輪網形壇墀形樹木形樓觀形尸羅形幢形普方形胎藏形蓮華形佉勒迦形<sup>此云衆生形</sup>佛相形圓光形網形門闕形須彌山形諸莊嚴具如上世界皆在無邊妙華光香水海中通相連接成世界網周徧建立○都有十個二十重世界種繞此中心世界種惣十個二十重世界種<sup>經第九卷</sup>○此十個世界種周圍至輪圍山復有一百個世界種隨方各十於中布列近山周圍十個



世界種各各上下四重餘九十個世界種不言重數  
共有一百十一个世界種如天帝網分布而住經第十卷  
○如是十不可說佛刹微塵數香水海中有十不可  
說佛刹微塵數世界種皆依現一切菩薩形摩尼王  
幢莊嚴蓮華住各各莊嚴際無有間斷各各放寶色  
光明各各光明雲而處其上各各莊嚴具各各劫差  
別各各佛出現各各演法海各各衆生徧充滿各各  
十方普趣入各各佛神力所加持此一一世界種中  
一切世界依種種莊嚴住連相接連成世界網於華  
藏莊嚴世界海種種差別周徧建立  
吳鑑菴曰此圖即華嚴蓮華藏世界海乃實報無

障礙土也昔海禪師雖出其相而說義未周止禪  
師說義頗悉而未顯其相今雙收二家且考之經  
目曰法華常在靈山蓋依智者所指故也



長阿含經：日月行四天下爲一世。界如是千日月，千須弥山門羅王千初利千梵天千億國名爲小千，即數小千王滿一千名爲中千，即萬十億，即數中千，復滿一千名爲大千。即是千力億其中須弥山王四洲日月乃至梵天各有萬億那由他等一十萬億大劫，則當千萬億二千五百億大劫，乃爲大千。有薄伽梵之說然此方以十爲正量成則同成壞則同壞，皆是一佛化境號爲娑婆世界。此翻爲閼風摩訶

長阿含云三千大千世界復有大金剛山繞大海水  
金剛山外復有第二大金剛山二山中間窈窈冥冥  
有八大地獄日月神天所不能照○瑞應經云迦維  
羅衛國者三千日月孤山疏大千也萬二千天地之中疏大千有  
萬億大地二千即中千小千也○顯揚論一日月之照臨名一世界  
如是千日月千六欲千初禪名小千界復以千小千  
名中千其中有一三禪一千二禪百萬初禪復以千  
中千爲大千其中有一四禪一千三禪百萬二禪億  
萬初禪準此當稱億萬須彌○阿毗曇論云從此須彌頂邊至  
彼須彌頂邊十二億三千四百五十由旬從此須彌  
中心至彼須彌中心十二億八萬三千四百五十由




旬從此山根至彼山根十二億三千十五由旬此佛  
所說

四洲九山八海圖







俱舍論云第一須彌山高廣各八萬由旬長阿含起世經高八萬四千由旬餘七山及七國圍次第減半第一香水海橫廣八萬由旬起世廣八萬第二持雙山高廣各四萬由旬諸山次第減半第二香水海橫廣四萬由旬七海橫廣各隨七山高量次第減半第三持軸山高廣各二萬由旬第四攬木山高廣各一萬由旬第五善見山高廣各五千由旬第六馬耳山高廣各二千五百由旬第七障礙山高廣各一千二百五十

由旬第七，香水海一千二百五十由旬，第八持地山高廣各六百二十五由旬，第八大鹹水海橫闊三十萬二千由旬，中有四州。阿毗曇論云：際周回三十一億一萬三百諸山入水，皆八萬由旬，住金輪上諸海皆深八萬由旬。今詳自須彌山心南向至本際，八萬由旬，入水，皆八萬由旬，住金輪上諸海。七金山，由八萬由旬，至七山南際，臨海，凡二十萬由旬，南北通徑，凡五十六億萬由旬。○長阿含云：須彌山南有天下名閼浮提。此云勝金洲，新其土南狹，北廣，縱廣七千由旬，人面像，此地形有大樹，名閼浮，圍七由旬，高百由旬，枝葉四布，五十由旬，人壽百歲，中天者多。○阿毗曇云：南洲衣服莊飾種種



不同一生欲事無數亦有修行至死無欲○起世云大海  
北有閻浮樹此樹下有閻浮那檀金聚高聚高二十  
由旬以此勝金出樹下○順正理論有二中洲一遮  
未羅新婆沙云二筏羅遮羅皆有入住○長阿含云  
須彌山東有天下名弗于逮此云勝身立其土東狹  
西廣形如半月縱廣九千由旬人面像之有大樹王  
名伽藍浮圍七由旬高百由旬枝葉四布五十由旬  
人壽二百歲樓炭經云飯食魚肉以穀帛珠璣共相  
市易有嫁娶禮○立世阿毗曇論云東弗婆提人多  
欲者一生數至六七亦有修行至死無欲食自死魚  
肉自不殺生頭髮剪前披後著下衣竟上衣繞○順

正理論云有二中洲一提訶二毗提訶皆有入住○  
長阿含云須彌山西有天下名俱那尼此云牛貨  
尼其土形如滿月人面像之縱廣八千由旬有樹王  
名斤提圍七由旬高百由旬枝葉布散五十由旬人  
壽三百歲以牛馬珠玉共相市易○阿毗曇云彼土  
食肉殺生人死燒屍或置水埋土嫁娶同南洲人多  
欲者至十或十二亦有至死無欲者莊飾皆被髮上  
下著衣○順正理論云有二中洲一舍攏古獲反二怛里  
拏皆有入住○起世論云介提樹下有一石牛高一  
由旬因名瞿陀尼因以○長阿含云須彌山北有天  
下名鬱單越此云最勝其土正方人面像之縱廣



一萬由旬有大樹王名菴婆羅樹七由旬高百由旬  
枝葉布散五十由旬諸山谷池華果豐茂衆鳥和鳴  
四面有阿耨達池出四大河無有溝阨荆棘蚊蟲毒  
蟲自然粃米衆味具足有摩尼珠名曰燄光置自然  
釜鍍下自然粃米皆自生也自然釜鍍者飯熟光滅  
自燒然也鍍方甯反似釜而大  
有樹名曲躬葉葉相次天雨不漏彼諸男女止宿其  
下有諸香樹果熟之時自然裂出種種身衣或器或  
食河中寶船乘載娛樂入中浴時脫衣岸上乘船度  
水遇衣便著不求本衣次至香樹手取樂器並以妙  
聲和絃而行其人無有衆病顏貌同等髮紺青色齊  
眉而止人起欲時熟視女人彼女隨詣園林於是又

親母親不應行殺者樹不曲蔭各自散去若非親者  
樹則曲蔭隨意娛樂一日至七日爾乃捨去彼人懷  
妊七八日便產隨生男女置於四衢有諸行人出指  
含嗽指出甘乳充徧兒身過七日已其兒長成與彼  
人等男向男衆女向女衆彼人命終不相哭泣壽以人  
十歲故莊嚴死屍置四衢道有鳥名憂尉禪伽接置  
不吊死屍至山外啖食之其地柔輒隨足隱起大小便  
時地爲開折利已還合其人前世修十善行來生此  
洲壽命千歲不增不減命終之後生天善處○阿毗  
曇云北洲人多欲者一生數至四五亦有修行至死  
無欲○順正理論有二中洲一矩拉婆二憍拉婆皆





有人住阿毗曇云南洲人長三肘半或四肘東洲八  
肘西洲十六肘北洲三十二肘起世云南洲三肘半  
東西洲同量北洲七  
肘一尺八寸○長阿含云南洲有三事勝一者勇猛  
強託能造業行二者勤修梵行三者佛出其土○新  
婆沙論四大洲八中洲人形短小有說遮未羅洲唯  
羅刹住復有五百小洲或有人住或非人住或有空  
者○菩薩藏經佛言我觀世間衆生常爲十苦逼迫  
一生二老三病四死五愁六怨七苦受八憂九痛惱  
十生死流轉衆生爲得菩提出離如是逼迫○四教  
儀在因之時行五常五戒中品十善感入道身  
述曰北洲人定千歲故死不哭吊佛不出生故不

聞佛法此所以爲八難之一也昔人謂列子載黃  
帝夢遊華胥氏之國者即北洲也未知其可南洲  
有佛法可學故大乘根器多生其中以壽命短促  
衆苦逼迫故怖畏發心勤修道行此其所以爲四  
洲之最勝也




山 須

四手身長坐里不重坐西壽  
五百歲人間五子生為一日



所澤身長一里不重六錄  
壽二千歲人間日月為一日













十一

○風輪

佛所說義不應有異要是部主聽受機見有

別西譯師今古  
出辭之不同也

首天佳復上一倍二因本萬選山八千由旬是華鬘天佳

一倍三天皆云一倍者皆以二萬增倍至四天王為四萬由旬。四王

○須彌山下別有三級諸神住處皆有七重牆院皆

○日天宮殿天金頗梨所成縱廣五十一由旬正

閭浮檀金以爲妙輦高十六由旬方八由旬日天子

卷三

水



及眷屬居中受天五欲。天子壽五百歲。子孫相承。皆於彼治。宮殿住持。滿足一劫。歷成住壞空入十日小劫。有一大劫也。日天身光妙。輦宮殿光明相照。有一千光五百旁照。五百下照。日天宮殿常行不息。六月北行。六月南行。月天宮殿天銀青琉璃成。高十六由旬。廣八由旬。月天子與諸天女在此輦中受天五欲。月天壽五百歲。子孫相承。宮殿住於一劫。月天身光宮殿成千光明。五百旁照。五百下照。何因緣故。月天宮殿漸漸現。邪由日天有六十光障。彼月輪去日漸遠。故漸漸現。復何因緣。圓淨滿足。當十五日。月宮去日最遠。光不能障。復何因緣。黑月十五。一切不現。此時月宮最近於日。

日光隱覆。一切不現。復何因緣。月宮影現。此大洲有閻浮樹高。故影現。月輪起世因本過去有。有行菩薩。行天帝試之。索肉。飲食捨身。火中。天帝慰之。取其焦尾。置於月內。今衆生瞻之。知是菩薩行慈之身。西域南洲日正中東洲日始沒西洲日初出北洲當半夜此方則知三日天宮牆地薄如華葩。爲五風所持。經云大星宮宅。周七百二十里。中星四百八十里。小星百二十里。經云過去婆伽婆仙分布諸宿曜。宿音護國奉入各有所主。東方七宿。角亢音氐房心尾箕。北方七宿。斗牛女虛危室壁。西方七宿。奎婁胃昂畢觜參。音南方



七宿并鬼柳星張翼軫大集經諸星形相此星物  
經佛在淨居天宮告諸宿曜遊空天衆九執大天二  
十八宿十二宮辰說過去娑羅王如來所說熾盛光  
大威德陀羅尼除災難法若有國王及諸大臣所居  
之處及諸國界或被五星陵逼羅睺彗孛妖星照臨  
所屬本命宮宿及諸星位或臨帝座於國於家及分  
野處陵逼之時或退或入作諸障難者但於清淨處  
置立道場念此陀羅尼一百八遍或一千遍消災有  
九種執曜能令晝夜時分增減世間豐儉其名曰日  
月熒惑火辰水歲木太白金鎮上羅睺火之彗孛土  
餘氣凡娑婆世界有八萬四千災變惡星經持嚴毗沙

門爲星宿之主

法華文句論語曰此辰天文志曰北極

須彌山半四萬二千由旬四天王居

智論因本經同若阿毗曇論俱

今論皆云

東方城名上賢南方城名善見西方名周

羅北方名天敬

同智論

東方治國天王

諸經多持國領乾闥

婆此云事齊行

毗舍闍

此云婆人精氣思又謂

護東

洲人南方增長天王領鳩槃荼

此云厭魅鬼摩於所

著文翻

護南洲人西方雜語天王

此云良鐵

逆翻

護西

洲人北方多聞天王領夜叉

此云捷疾今大會傳羅

刹此云暴惡

護北洲人阿舍爾時毗沙門天王

光明句記

提頭賴吒天王此云持國土毗留勤又


之名聞四方故



天王此云增長令自毗留博又天王此云薩婆又薩婆  
又惡眼車主俱從座起而白佛言是金光明最經  
之王云我等四王二十八部百千鬼神以淨天眼常  
觀擁護此閻浮提是故我等各護世王金光明經  
家先標此方者西方無上四明正德此初地  
菩薩多作四天王華嚴四天皆有眷嫁行欲如人化  
生小兒在膝上如二歲小兒未久自然寶器盛百味  
食天甘露漿福多者色白中者色青下者色赤食訖  
便與諸天等量初生憶昔往業戲已忘念長阿含經四天  
男女生時若於女處膝上眼處生者夫女作意此  
我方亦言此是我兒若於父膝眼處生者

一父諸妻皆得為母四天欲事無數亦有修行至死  
無欲一切欲果諸天亦爾論立世護世四王各有九十  
一子有大威力皆名曰帝能護十方大告經一切山河  
樹木土地城郭一切鬼神皆屬四天王論智○一王下  
有八將軍四王三十二將周四天下護助出家人韋  
將軍於三十二將中最存弘護比丘道力微者為魔  
所惑將軍恚怒奔赴應機除翦天人感通傳

忉利天宮之圖







三十三  
十九

昔婆羅門姓憍尸迦與知友三十二人共修福德命  
終皆生須彌山頂憍尸迦為天主三十二人為輔臣  
○昔迦葉佛滅後有一女人發心修塔報為天主  
有三十二人助修報為輔臣君臣合之為三十三名  
此經三十三天 ○帝釋住首楞嚴定未來成佛號曰  
無著法華文句

須彌山四角各有一峯婆沙論高廣五百由旬 金剛手藥叉於  
中住守護諸天山頂善見大城周萬由旬婆沙論廣八萬四千由旬其中平可住者止四萬由旬 重門高一由旬半城有千門各  
有五百青衣藥叉嚴仗防守城中殊勝殿周千由旬  
其地真金雜寶嚴飾柔輦如妬羅綿隨足高下順正理論



帝釋住處中央金城周千由旬勝殿有五百門中有樓閣名皮禪延四邊寶樓一百一所一萬七千房一  
一房有七天女二一女有七米女其諸天女皆是帝  
釋正妃帝釋與阿脩羅女舍脂共住化身與諸妃共  
住阿毗目捷連尊者遊歷小千界無有端景如此閼  
延堂者雜阿含經○城內衢巷天人隨其福德屋舍  
多少城路五百中有七市穀米衣服衆香飲食華鬘  
工巧婦女並有市官天子天女往來貿易商量貴賤  
具市廛法雖作是事無取無與脫欲所需便可提去  
是夢見城復有天州天縣天村周匝徧布起此因  
外四面有四苑一衆車苑起此因云東門外隨天

種種種車現二粗惡苑起此云南門外天天改  
時甲仗自現三雜林苑起此雜亂苑起此月入十四才五  
此園中與天衆合雜嬉戲天五欲雜阿含云在西門外諸天入中極妙欲塵雜  
類俱至四喜林苑起此雜阿含云在北門外諸天所玩皆生  
歡喜四苑各千由旬各有一如意池周五十由旬入  
功德水城外西南有善法堂三十三天時集辨論制  
伏阿素洛如法不如法事東北有圓生樹華開之日  
順風香聞百由旬逆風猶及五十里順正善法堂最  
中有師子座此亦仙人經善法堂有八萬四千帝  
釋升座左右各十六天王隨坐有二太子是二大將  
軍坐諸天王左右持國天王與大臣軍旅恭敬諸天



依東門坐增長天王依南門坐廣目天王依西門坐  
多聞天王依北門坐是四天王以世間善惡奏聞帝  
釋諸天王月八日四王大臣徧行世間十四日四王  
太子行十五日四王自行觀察善惡若無多人受戒  
布施帝釋聞奏憂惱說言天衆減損脩羅日增增阿毗  
曇論  
第一善法堂天釋帝第二住峯天三山頂天四善見  
城天五鉢私地天六住俱吒天七雜殿天八歡喜園  
天九光明天十波利樹園天即園生樹十一險岸天十二  
雜險岸天十三摩尼藏天十四旋行地天十五密殿  
天十六鬘影天十七柔輦地天十八雜莊嚴天十九  
如意地天二十微細行天二十一歌音樂天二十二

威德輪天二十三月行天二十四婆利天二十五蓮  
行天二十六影照天二十七智慧天二十八衆分天  
二十九住輪天三十上行天三十一威德顏天三十  
二威德輪天三十三清淨天正法念經○本爲人時施飲  
食燈明錢財故名釋提桓因此云能天主本爲人時姓故  
名憍尸迦舍脂爲第一右故名舍脂鉢但於一座間  
思千種義故名千眼於三十三天爲主故名因提利  
中阿含經○本有千名翻譯不足帝釋有金剛杵力經孔雀○三十三  
天生時天女手中華生自知有兒即以授夫七日天  
生善知天法行宮殿中見無主天女來言聖子善來  
此汝宮殿我無夫主今相供養毗邪仙經天初生時如



十二歲兒於父母住處或兩膝兩股忽然而生即有寶器盛天須陀味及以天酒隨福上中下有白赤黑色飲食既訖身量即與舊男女等起世因單修上品十善生初利天四教儀

諸天通論

身量

俱舍論

衣量

長阿含經

壽量

阿毗曇論

身光

智論

飲食

業因

三果差別經

報果

境量

婆沙論

凡聖

論無色身處

論天主

論四禪四地

四天王身長半里衣重半兩人間五十歲為四王一日夜即用四王壽命五百歲為四王間九百萬歲為四王

活地獄一日夜如是數等初壽五百歲人間三百二十歲初利天身長一里衣重六銖人間一百歲為初利一日夜即用此天壽命一千歲計人間三億六千萬歲為黑繩地獄一日夜如是數此獄壽千歲夜摩天身長一里半衣重三銖人間二百歲為此天一日夜即用此天壽二千歲計人間十四億四百萬歲為衆合地獄一日夜如是數此獄壽二千歲兜率天身長二里衣重一銖半人間四百歲為此天一日夜即用此天壽四千歲計人間五十七億六百萬歲為忉地獄一日夜如是數此獄壽四千歲化樂天身長二里半衣重一銖人間八百歲為此天一日夜即用此



天壽八千歲計。人間二百三十億萬歲為大呌地獄。  
一日夜。如是數此獄。壽八千歲。他化自在天。身長三  
里衣重半銖。人間一千六百歲為此天。一日夜。即用  
此天壽一萬六千歲計。人間九百二十一億六百萬  
歲為熱地獄。一日夜。如是數此獄。壽一萬六千歲。摩  
羅波旬天。壽三萬二千歲。俱舍論長阿含經阿毗曇色界壽命  
即用劫為量。梵眾天半劫。二十身半由旬。梵輔天一  
劫。此劫為一劫身一由旬大梵天一劫半。六十身  
一由旬半。少光天二大劫。此下並至大劫。即是梵身  
二由旬。此下並至壽量無量光天四大劫身四由旬。光音  
天八大劫身八由旬。少淨天十六大劫身十六由旬。

無量淨天三十二大劫身三十二由旬。徧淨天六十  
四大劫身六十四由旬。無雲天百二十五大劫身百  
二十五由旬。此天身壽俱減福生天二百五十大劫  
身二百五十由旬。無想天。廣果天。皆五百大劫身五  
百由旬。無煩天一千大劫身一千由旬。無熱天二千  
大劫身二千由旬。善見天四千大劫身四千由旬。善  
現天八千大劫身八千由旬。色究竟天一萬六千大  
劫身一萬六千由旬。俱舍論阿毗曇化樂他化二天所著衣  
眼隨心。大小輕重。色界天不著衣服。如著不異。頭雖  
無髻。如著天冠。無男女相形。唯一種。起世因本○無色界  
壽命者。空處二萬劫。識處四萬劫。所有處六萬劫。非



非想處八萬大劫三界皆有中天唯北洲梵率天最  
後身菩薩無想天皆定壽命不說中天阿毗空處定  
行慧行各得一萬劫識處定慧二行各得二萬劫上  
二地但有定行相倍故唯六萬八萬論○諸天業  
報生身光者欲界諸天以燈燭明珠等施及持戒禪  
定等清淨故身常光明色界諸天行禪離欲修火光  
三昧故身常光明勝於欲界若擇迦常光面各一丈  
諸天光明大者雖無量由旬於文光邊蔽而不現四  
天王有四種色紺赤黃白欲界諸天色皆如是如初  
生時見紺華列身紺色論○法苑云色界諸天以喜  
為食無色界以意業為食又云色無色界並以禪悅

法喜為食欲界諸天福厚者甘露盈杯百味俱至  
薄者雖有飲食常不稱心故經云譬如諸天共器飲  
食隨其福德飯色有異上者見白中者見黃下者見  
赤依正法念經云夜摩已上盡色界天貪富皆等初  
利已下報有厚薄故經云有薄福天患飢下剎浮人  
中摘酸棗食又云四天王天食天須陀味園林池苑  
並自然生一切味欲界諸天食亦如此○眾生具修  
十善得欲界天報修有漏十善與定相應得色界天  
報復有修四空定得無色界天報三果差○四王初  
利單修上品十善得生若夜摩天已上兼修未到定  
未入根本定故未定亦名欲界止觀夜摩此云善時時



時唱快樂故。樂率此云。知足於五欲。境生喜足。初化  
樂者。於境變化。而自樂。故他化者。於自他境。皆能自  
在化用。故已上四天。悉是空居。四數儀集解梵身天下有  
魔羅波旬。諸宮殿。本莊因欲色二界中。別有魔宮。其  
魔懷嫉。辟如石磨。磨壞功德。縱廣六千由旬。宮牆七  
重。樓閣經云。大論。魔羅。翻奪命。波旬。魔王。多羅什云。善。不念報恩。反欲加毀。輔行。魔字從石。石。錫武。以。來。有魔羅所居。他化天。攝。天子魔也。○大梵此云。離  
欲。除下地。繫上升色界。法華疏梵王無別處。但於天中  
有高樓閣者。是。俱舍論大梵是君。梵輔是臣。梵眾是民。  
法苑珠林少光天。光明最少。無量光。光明勝前。光音天。無

量。觀語言。以光當語。又此天語。時口出淨光。少淨天。  
離喜受樂。為淨。未及上位。為少。無量淨天。清淨勝前。  
徧淨天。清淨周徧。無有過患。無雲天下。三禪皆依雲  
住。至此四禪。方是空居。楞嚴作福生天福生天。有勝福力者。  
生。楞嚴作福變天無想天。外道所居。但受一期心想。不行受  
五百劫。無心之報。報畢。必起邪見。來生地獄。廣果天。  
果報最勝。無雲福生。廣果。此三天。凡夫住處。修上品  
十善。修禪者。得生無煩天。無見思煩惱。雜故。無熱天。  
離熱惱。故。善見天。定障漸微。見極明徹。善現天。形色  
轉勝。善能變化。色究竟天。色法最極。是究竟處。此五  
天名五那舍。此云不來三果聖人居處。亦名五淨居。五不還天。○無色界。空



處天者行人厭患色龍心欲出離修觀破三種色可對色眼見色塵也。不可見可對色聲塵味觸也。不可見不可對色意緣法塵即無表色也。識處  
天者厭患虛空無邊修觀捨前外空更緣內識無所  
有處者外境名空內境名心捨此二境入無所有非  
非想處者非識處之有想非無所有之無想捨有無  
二邊而入上定也

一切天衆皆作聖言為彼言辭同中印度然不由學  
自解與言理正○殺盜婬妄業若生入中身色憔悴  
無有威德若有餘業得天中身利是形貌減少寶莊  
嚴具光明微少天女皆捨餘天輕笑若與修羅戰為  
他所殺正法諸天命終五衰相現一者衣服微染二

者冠上華萎三者兩腋汗流四者體生臭氣五不樂  
水座此新變此三十二天二唯凡作謂大梵天王不  
達業因說我能造化一切天地人物恃此高慢聖人  
不與其居無想天唯是外道修無想定受五百劫無  
心之報受畢必起邪見墮於地獄以故聖人不生其  
中五唯聖住謂五淨居天凡生彼者要是進向那舍  
身得四禪發於無漏起熏禪業或起一品乃至九品  
方乃得生凡夫無此熏禪業故不得生餘二十五天  
凡聖共住論

述曰論無色界身處初言無處者漢沙云四空離  
形報無別處但在欲色二界成就四空無色業者



言無身者俱舍云無色無身纂云無業果色非異  
熟身楞嚴云是四空天身心滅盡定性現前無業  
果色孤山釋云非業果色顯有定果色也次言有  
處者起世云倍色究竟有空處乃至非非想處皆  
名諸天住處華嚴云菩薩鼻根聞無色界宮殿之  
香言有身者阿含云舍利弗滅時無色天淚下如  
春細雨仁王經列無色天衆中陰經云如來至無  
色界中諸天禮拜大衆部云但無粗色非無細色  
淨名疏云若不了義教明無色界無色若了義教  
明無色界有色涅槃云無色界色非聲聞緣覺所  
知今此所明當從後義

述曰論天主有通別二義通論者魔梵欲色各有  
主義釋藏云四天王主四天下此言欲界大論云  
帝釋爲二處天主四天王魔王爲欲界主居欲界大梵  
王爲三界天主淨名疏云帝釋是地居天主梵王  
是娑婆世界主統御大千統御天人感通傳答南  
山云魔王雖欲界主帝釋四王若行佛法魔不能  
制妙樂云梵即色主亦三界主魔爲欲主輔行云  
梵王爲三界主餘皆臣屬別論者於此又三初獨  
論梵王文句云梵王住禪中間內有覺觀外有言  
說得主領爲王單修禪爲梵民加四無量心爲王  
又云梵王號令捻上冠下別行疏梵即色主名爲



尸棄毗曇論云二禪已上無語言法故不立三禪  
門云初禪有覺觀心則有語言法主領下地眾生  
爲便二獨論摩醯大論云摩醯首羅八臂三眼騎  
白牛又云過淨居天有十住菩薩號大自在大千  
界主灌頂經字威靈帝華嚴經云大千世界主摩  
醯首羅涅槃經云若言世界主正是摩醯首羅  
行云摩醯首羅能覆大千舉世尊之以爲化本三  
摩梵對論涅槃疏云摩醯首羅居色界頂主大千  
界若法華中列世界主梵天王者其實祇領小十  
經家美之故言主耳私謂章安此是大千之中得  
爲大千之主降此不得大千界有萬億梵王此處

梵王尸棄居大千之中故稱爲主自餘諸梵所居  
既偏故不得爲主也今故斷之曰摩醯首羅無色頂  
以報勝爲主梵王居大千之中以統御爲主  
述曰自昔談天者未知四禪四地之義以由諸文  
森列不能區別耳據因本經阿毗曇婆沙論等皆  
以天名次第堅高相去倍遠皆有住地此等立義  
未足可憑今依俱舍論云梵天無別處所但於梵  
輔中有高樓閣者是法苑亦云大梵是君梵輔是  
臣梵衆是民據此則三天同在初禪祇一地耳若  
薩婆多部以無想廣果身壽不殊同爲一處楞嚴  
經云從福愛天有二歧路福德圓明名廣果天身



心俱滅名無想天二歧則是分二類耳此又經云此中復有五不還天此中者指四禪四禪四位天王但有欲聞不能知見如世間深山道場阿羅漢世間人所不能見據此則知祇一廣果稱王而於此中具五那舍一外道同居四禪祇一地耳次第禪門云佛於仁王經說十八梵亦應有民主之異又云四禪中有大靜王瓔珞經明禪禪皆有梵王楞嚴亦云四禪四位天王華嚴列衆三十九位其間欲界則天天稱王色界則禪禪稱王餘天不列今詳初禪既以大梵為王而三經皆說四禪有王玠受瑤則知光音遍淨廣果三天皆王自餘皆一臣

一民之義今故依此等大乘經旨自初禪至四禪立為四地云廣果為王福愛為臣無雲為民五那舍一外道則寄居廣果天中已上九天同居四禪一地也二禪三或以天天身壽不同須各分處如諸小乘經論者然梵王之與梵輔梵衆若身若壽皆長短不齊又廣果無想雖五百劫廣果則有中无無想定滿其報以此論之雖身壽不同不妨同處亦猶閻浮之人有壽有夭也又華嚴謂諸天王皆十地菩薩者此等皆是權來引實在於天中化諸實報之天使求脫天業故得稱王若謂王者隻居一處與餘天隔異則將焉用彼王餘天何所依



仰不作此論豈不大耶引實之義或謂二禪已上  
無語言法阿毗曇云何以爲化者然光音旣以光爲語  
則知上地諸天威儀進止無非言教以是義推無  
不可者

世界名體志第一

世界名體志第二

天台統紀卷第三十三

天宋景定四明東湖沙門

志磐撰

東土震且地里圖

區域之興帝嚳九州

冀充青徐揚荆豫梁雍

舜十二州

以冀州土闢增

置并幽營三州

夏禹平水土

分別九州

周大封建

蓋千八百

國春秋之世見於經傳者百二十有四國下至戰國  
七雄并而爲秦懲周封建之弊罷侯置守分天下爲  
三十六郡及南平百越又置閩中南海桂林象四郡  
兩漢以十三州統治漢武帝置十三刺史晉爲十九州唐爲  
十道後又置十五採訪使凡郡府三百二十有八縣  
千五百七十有三本朝元豐頒行李德劄等所撰



九域志分爲二十三路見于郡凡二百九十有五縣

千一百三十有一化外羈縻之州不與焉

漢盛時四履之地東樂浪西敦煌南日南北鴈門東西九千里南北萬三千里

古長城戰國時趙築之自代並陰山至高闕二州以

備胡燕亦築鵠州之北至遼東秦始皇令蒙恬築長

城起臨洮音入高麗

四瀆河出積石江出岷山松列縣淮出桐柏唐州濟出

王屋山孟州今

三江自豫章而下入彭蠡而東至海爲南江自蜀岷

山至九江彭蠡以入海爲中江自嶓冢導漾東流爲

漢過三澁大別以入于江匯于彭蠡以入海爲北江

自上爲二自夏口以上爲三下而至于荊陵京口以入海則不復三矣

九河鬲津徒駭在今瀛州鉤槃太史胡蘓在今滄州

馬頰在今濟州覆釜簡潔湯不可考當在東光成平

富縣之間以漢許商之言考之徒駭最北鬲津最南

蓋徒駭是河之本道東出分爲八齊小白塞之爲一

今河間弓高以東平原富津往往有其遺處蓋塞其

八枝并歸於徒駭也九域志

五岳中岳嵩山在洛州西京東岳泰山在兗州南岳衡

山在潭州西岳華山在華州北岳常山在真定府

東夷初周武王封箕子於朝鮮漢滅之置玄菟郡○



未餘國在玄菟北千里本濊地○高句麗其始王朱蒙出自未餘居升骨城號高句麗因以高爲氏在遼東千里南接朝鮮濊貊東接沃沮北接夫餘人皆隨山而居○三韓者一馬韓在西五十四國北接樂浪南接倭國二辰韓在東十二國北接濊貊亦曰秦韓言秦人避役適韓國三弁韓在辰韓之南十二國南接倭馬韓最大盡王三韓之地○今新羅辰韓種也在高麗東南居漢樂浪地多山險文字甲兵同於中國○百濟馬韓之屬國於帶方故地初以百家濟故名東接新羅句驪西南俱限大海有僧尼寺塔婆墳史頗解屬文○挹婁古肅慎國在夫餘東北千餘里

其北不知所極人多勇力矢用楛音戶青石爲鏃土氣極寒常穴居○遼東郡大遼水出塞外南入海行千二百里遼西令支縣有孤竹城故伯夷國○倭國在百濟新羅東南水陸三千里依山島而居漢魏譯通中國者三十餘國皆稱王大倭王居邪摩堆其地在會稽東俗皆文身モトモ自云太伯之後自倭國東千里名拘奴國南四千里名朱儒國人長三四尺自朱儒東南行船一年至裸國黑齒國倭國始於百濟求得佛經隋大業十三年遣使朝貢兼沙門數十人來學佛法○流求國居海島當建安郡東水行五日而至煬帝遣陳稜至其國虜男女載軍實而還○蝦蟇唐



太宗時倭國遣使偕蝦蟇人來朝高宗平高麗倭國遣使來賀始改號日本言其國在東近日所出也○扶桑國在東海中齊永元初僧慧深來建康言其國在大漢東三萬里宋大明五年罽賓沙門至其國傳佛法

北狄周有山戎獯狁秦漢有匈奴相靈時有鮮卑後魏蠕蠕音輒西魏突厥唐回紇皆匈奴故地唐契丹居松漠間至本朝益盛稱大遼後有女真稱大金韃靼稱蒙古

西羌三代爲患至秦漢逐之河塞之外漢宣帝時趙充國破先零音辭置金城屬國以處降羌東漢屢爲患

段熲擊破之魏晉多亂關隴永嘉後有吐谷渾唐初吐蕃并吐谷渾党項諸羌遂爲強國

海南諸國扶南丹丹交趾真臘故臨大食白達大秦廬眉勿斯里音島與本朝來貢者占城三佛齊勃尼閣婆注輦丹流眉蒲端



東震旦地理圖

三界入四





孝武時始通西域三十六國皆在匈奴之西烏孫之  
 南西北有大山中央有河東西六千餘里南北千餘  
 里東則接漢扼以玉門陽關二關皆在西則限以葱  
 嶺其山葱翠又其南山東出金城與漢南山屬焉  
 也其河兩源一出葱嶺一出于闐音闐于闐在南山下  
 其河北流與葱嶺河合東注蒲昌海一名去玉門陽  
 關三百里廣袤三百里其水冬夏不增減皆以為灌  
 行地下南出積石為中國河源云自玉門陽關出西  
 域有兩道一從鄯善旁南山北循河西行至莎車為  
 南道南道西踰葱嶺則出大月氏安息自車師前五  
 廷隨北山循河西行至疏勒為北道北道西踰葱嶺





則出大宛康居奄蔡西域諸國有城郭田畜與匈奴  
烏孫異俗皆役屬於匈奴匈奴西邊日逐王置都尉  
領西域後驃騎將軍擊破匈奴古地降昆邪休屠王  
驃類妙反昆音渾屠音儲匈奴二王始築令居以西音初置酒泉郡  
有水後稍分置武威張掖敦煌敦音列四郡據兩關  
自貳師將軍李廣伐大宛得天馬西域震懼多遣使  
來貢宣帝朝日逐王來降乃令休若鄭吉并護北道  
號都護治烏壘城去陽關二千七百里於西域為中  
西漢書  
西域傳

明帝永平中班超使西域到鄯善斬匈奴使者鄯善

王怖納子為質後發諸國兵擊莎車斬疏勒王堅

月氏副王降龜茲姑墨溫宿斬焉耆尉黎二王威震  
西域五十餘國皆納質內屬東漢班

煬帝時西域諸蕃多至張掖與中國交市帝令裴矩

掌其事撰西域圖記云發自敦煌至于西海凡為三

道北道從伊吾經蒲類海鐵勒部突厥可汗音北

庭度北流河水至拂菻國達于西海其中道從高

昌焉耆龜茲疏勒度葱嶺鐵汗撫勒沙那康國曹國

何國大小安國穆國波斯達于西海其南道從鄯

善于闐朱俱波喝盤陀度葱嶺經護密吐火羅挹怛

仇延漕國至北婆羅門達于西海其三道諸國亦各

有路南北交通故知伊吾高昌鄯善並西域之門戶



揔漢敦煌云帝由是甘心將通西域令矩往張掖引

致西蕃四十餘國年傳

高昌即車師前王庭是也有貪汗山夏有積雪山北

即鐵勒界也自敦煌向其國多沙磧亦茫然無蹤

徑欲往者尋人畜骸骨而去或聞歌哭聲蓋魑魅所

為也商旅往來多取伊吾路北史西

述曰設天地之極際者無若佛經其言須彌四州猶太者一粟耳至如閼風提者則又四洲之南境

一經言縱廣七千由旬周圓之可得二十八萬里以

出經五竺盡西河際從南極北行出鴈門臨沙漠

極北至瀚海縱橫可九萬里而北人乏通識見

漢時四履之盛不出萬里以故乍聞此言莫之能

信其言如此方居東天竺居中自北方西至天竺為

四萬五千里自天竺西向盡西海亦四萬五千里

如北地其地為關河之東方信矣此偏謂之中國

且據此地自前四方之中耳儒家談地止於萬里

則不如此五竺之殷盛西海之有載也道家談天止

及三境則不知六欲四禪四空之高遠無色之無

相也泥洹之知萬億須彌三千大千之天竺邪說欲

知非佛世非周備建立如帝網邪是則談天

地之極際者非焉佛經不足為盡其勢也

其部洲中心名阿耨達池在香山南大雪山北周八

百里十地菩薩化為龍王於中潛宅出清冷水以給

賸部池之東面銀牛口流出攷伽河遶池一币入東

南海池之南面金象口流出信度河遶池一币入西

南海池之西面琉璃馬口流出縛葛河遶池一币入

西北海池之北面頗脰師子口流出徒多河遶池一

币入東北海或曰潛流地下出積石山為東華河源

云瞻部解見前四洲九山圖阿耨達池此云無熱惱池



來音來高也信度此云參河總領此云自高昌近

青河從多此云令河驛部一名圖浮提

省曰阿耆尼國漢書曰焉耆西南九百里曰屈支漢書曰焉耆

百所屬音反西南六百里曰跋錄迦舊曰西北

六百里至凌山葱嶺之北原行四百里至清池北行

五百里素葉水城西四百里千泉南面雪山三垂千

陸突厥東此避暑西至咀羅私西南白水西南共仰

城南築赤建西石國西窄堵利西北康國南至米國

北至曹國西至何國西東安西至西安西南

貨利○自康國西南至史國東南入鐵門南出至

貨羅書吐火羅東抱葱嶺西接波刺斯而雪山北

順縛留河北流至怛密東至赤鄂行入東

至忽路摩又東至愉漫西南臨河至鞠和衍又東至

鑊沙又東至珂咄羅東接葱嶺至拘謎陀南至尸棄

陀渡河至達摩帝○自沽國東南至闊悉多西至縛

伽浪南至紇利健西南忽憐東至縛喝北臨河伽藍

百所人謂之小王舍城從此西南入雪山阿至銳末

陀西南至胡實健西北至怛刺健




西土五印之圖



六





世三十

北縛喝南至揭城東南入大雪山至梵衍那千八百商  
九條衣尚存東踰黑嶺至迦畢試北背雪山東入北  
印度境至濫波東至健歇羅大塔高五百尺元魏胡  
尺往挂之南三那揭揭北印比至烏仗那釋德勝斤  
輪王之苑東至鉢路羅大雪山南度信度河至恒叉羅  
東南至僧訶補東南至烏刺尸東南至迦濕彌羅  
藍百所東南至曷闍羅南至磔迦東至那僕底東北  
至闍爛達東北至屈路多北至洛護羅又北至末羅  
婆○自屈路多南至設多盧北中並西南至波理恒  
自中印境東至未免羅室多變人之處東北至濕伐羅東  
北至罕祿那東度河至末底羅北至婆羅補



此係北山雪山中<sup>女為王夫亦為王</sup>有金氏國事此國東接吐密北山  
未羅婆<sup>○</sup>自木底羅東至瞿毗<sup>東南至鹽咀</sup>  
龍王<sup>七日</sup>南度<sup>說法處</sup>旃伽河<sup>釋奉三</sup>至毗羅剛<sup>東南至劫比</sup>  
至阿踰陀<sup>東至阿那穆</sup>東南至鉢羅那<sup>西南至拘睢</sup>  
彌北至鞞索迦<sup>東北至舍衛國</sup>  
毗羅衛<sup>佛生處</sup>東北至拘尸那<sup>佛滅處</sup>西南至波  
羅奈<sup>王為大</sup>轉法輪處<sup>有支那寺</sup>  
河東北至毗邪離<sup>有舍衛</sup>東北至弗栗特<sup>凡印</sup>  
丙北至尼波羅<sup>其國北地</sup>  
○自毗邪離南度旃伽河至摩竭提

自古取道<sup>迂迴致成遠阻</sup>  
摩伽陀<sup>中印境</sup>王舍城<sup>在此國中華氏城在河南岸</sup>  
西南度尼連禪河<sup>即伽邪城</sup>西六里至伽邪山<sup>俗</sup>  
呼靈山<sup>西南</sup>菩提樹<sup>佛成道處</sup>高五丈周垣五百  
步中有金剛座<sup>千佛坐之</sup>金剛定<sup>雞園伽藍</sup>無憂  
王建<sup>常供千僧</sup>即闍<sup>佛寺</sup>五王<sup>東至瞻波</sup>東至揭朱  
共造僧徒<sup>數千</sup>並俊才高學  
祇東度旃伽河<sup>至奔那伐</sup>  
千世<sup>至今不信佛法</sup>國之東境<sup>山</sup>南至三摩怛<sup>東</sup>  
阜連<sup>接可</sup>兩月行入蜀<sup>西南境</sup>  
北大海濱<sup>至室利羅</sup>東南大海隅<sup>至迦摩浪</sup>東至瑩  
羅鉢<sup>又東至伊賞補</sup>又東至摩訶瞻波<sup>即此方</sup>又西  
南至閼摩那<sup>阻不及往</sup>  
東境<sup>濱</sup>西北至揭羅刺<sup>西南至烏茶</sup>  
海<sup>卑濕</sup>其因<sup>佛牙塔寶珠</sup>光猶如大炬<sup>西南至恭御陀</sup>  
東印



臨海傳下西南至揭稜伽中西北至橋薩羅中國

正為龍猛建伽藍招集千僧計南至紫達羅南此下南

至馱那揭西南至朱利邪南至達羅毗南至末羅矩

南境廣海有未刺邪山此山之東有布咀洛山山頂有池池側有石天宮觀自在菩薩遊舍於此有願

見者屬東南至執師子國此非印度境有佛牙精舍

星王宮側建大風日營萬八千僧食良持持鉢立受各還其居自有佛教便興此供○自達羅

毗北至恭建補南印境有多羅樹林其葉西北至摩

訶刺西至跋祿婆業海西北至摩臘婆五印之境有

南摩臘婆東此國南至海西北至阿吒釐○自摩臘婆

西北至契吒北至伐臘毗南印上西北至補羅自○

自伐臘毗北至瞿折羅西東南鄔閣衍南東北至擲

枳陀南北北至摩臘補中○自瞿折羅北度信度河至

信度國西東度河東岸至茂羅部西東北至鉢伐多

北○自信度國西南至阿默翅西印西至狼揭羅

海島西女國古女人佛傳歲遣○自阿默翅北至臂

多勢西東北至阿茶西東北至伐刺拏西印西至

稽疊那西北出印度境至漕矩吒北至弗栗那東北

至大雪山摩那大嶺贍部之中斯嶺特高下嶺至安

咀羅屬突西北至闊悉多屬突西北至活國屬突

諸小國從此東入葱嶺此嶺當贍部中南接大雪山

北至熱海千泉西至活國東至烏殺國四方各數千



里崖嶺數百重冰雪風寒山阜葱翠故此為名東至  
營健蜀笑北至阿利尼東至曷羅胡○從營健東至  
訖栗瑟東北至鉢利曷從訖栗瑟東至呬摩咀西至  
鉢鐸那東南至淫薄健東南至屈浪拏東北至鐵帝  
北至尸棄陀越鐵帝大山南至商彌東至波謎州西東  
野南至鉢露羅自川登山至竭盤陀下葱嶺東固至  
烏殺西北至佉沙舊名東南至沮渠經典東至干闥  
東入沙磧至尼壤城為東境之關又東入大流沙其  
沙隨風聚散人多迷路往來聚遺骸以記東至且末  
東北至樓蘭故地即善國○印度者天竺之正名此云  
北背雪山三垂大海地形南狹如月上弦州平地廣

周九萬里七千餘城依止其中盡三海際同一王命  
唐玄奘三藏西域記

光明經八萬四千城邑聚落仁王經十六大國五百  
中國十萬小國楞嚴經此閻浮提大國二千三百  
樓炭經葱河以東名為震旦唐彦琮法師云葱嶺已  
西並屬梵種鐵門之左皆曰胡鄉有指五世為胡國  
唐義淨三藏於咸亨二年自番禺附船  
西至訶陵次室利佛逝次末羅瑜次揭荼北行  
十日至裸人在蜀西南男西北半行至耽摩立底陳  
十驛又云駝摩去那爛陀禮根本塔耆闍崛山觀疊



衣處大覺寺禮真像

即菩提道場金剛座處

拘尸方丈鹿園雞

嶺徧禮聖迹住那爛陀十年求經還耽摩立底升舶過揭荼將梵本寄佛逝作南海寄歸傳求法高僧傳永昌元年秋回廣府至冬復附舶至佛逝住三載證聖元年回洛京譯經

述曰賸部一洲在西為五印度飛行輪王之所治是為梵天之種東則震旦皇王周孔之所化是為君子之國北為狄種獫狁匈奴胡人之鄉封域分殊不當指梵為胡以自混濫如舊稱胡跪胡經胡漢老胡皆無稽之言不足用也諸經言國城數不定者古今離合不同也如此方周千八百國春秋

七十餘國秦七國魏三國晉十六國或離或合為國不二要不出此一境也又諸經華梵不同者羅什洹河法師苑伽什云須彌契云蕪迷盧並指什譯為訛此說未可為定蓋由求法沙門所問土音中邊不同古今有異而詮其實則一也如此方南北音轉名處名物其語各殊又如此方同一震旦而周秦漢晉為號不同豈當定是非於古今之際能識此意則華梵不同自可心會也

新婆沙論南洲下至無間共四萬由旬上尖下闊猶如穀聚○薩婆多論南洲下土泥五百由旬白瑱五百由旬等活至極熱七獄共高一萬九千由旬各廣







此八獄在鐵圍山底仰  
向若止受寒凍苦三法

一 頽浮陀 五 嘔吐

二 尼賴陀 六 鬱波羅

三 阿叱吒 七 波頭摩

四 波波 八 分陀利

人死但亡其身不亡其行。譬如然火夜書火滅字存。  
火至復成。今世作行後世成之。那先比丘五所問經

頽浮陀毒如橋薩羅國斛  
量胡椒滿二十斛有一丈  
夫滿百年取一胡椒如是  
取盡復以二十頽浮陀毒  
為一尼賴陀毒餘次第准  
此起世因泥犁邪此名非  
道欲界最下劣故阿毗摩  
落迦此云惡人新婆論人所  
作善惡隨人如形影隨身

八 地獄圖

地獄有三。一熱二寒三邊。一熱地獄者有八。一名等  
活罪人手生鐵爪相搏肉墮或獄卒唱生或冷風吹  
活兩緣雖異令活一筆又受苦已復至黑沙獄乃至  
沸屎獄次第至寒水獄然後命終由身口意造不善  
業墮此獄中。一大獄各有十六小獄周而圍遶。即  
沙輪十一名黑繩以熱鐵繩絆量肢體後方斬錯又  
受苦已至黑沙獄乃至寒水獄然後命終準前受苦  
加事由惡意向父母及聲聞墮此獄中。三名衆合衆  
多苦具熾然猛熱合來逼惱。餘義非由造三惡業墮  
此獄中。四名叫喚獄卒捉人擲鐵鑊中沸沸叫喚由  
瞋恚懷毒墮此獄中。五名大叫喚置鐵鑊中號咷大



呼由習邪見惡行墮此獄中六名炎熱置鐵城中火  
然焦爛由燒炙衆生墮此獄中七名極熱置鐵城中  
大火焦爛由爲衆惡行故墮此獄中八名無間阿鼻  
或作獄卒捉彼罪人剥皮纏身著火車上萬毒並至  
無不苦時爲極重罪墮此獄中十惡五逆也已上此  
八地獄在閻浮洲下重累而坐受熱惱苦前二有主治  
次二少主治後二無主治一寒地獄者有八一名額浮  
陀寒苦所切肉生細泡二名尼賴浮陀寒風所吹通  
身成泡此二從身相受名三名阿吒吒脅動不得舌  
作此聲四名阿波波舌不得動脅作此聲五名嘔喉  
喉內振氣作聲此三從聲相受名六名鬱波羅此是

青蓮華肉色細折似此華七名波頭摩此是赤蓮華  
肉色大折似此華開八名分陀利此是白蓮華由彼  
骨折似此華開此三從瘡相受名此八獄在鐵圍山  
底仰向居止受寒凍苦三邊地獄者有三山間水間  
曠野受別業報此應寒熱雜受三法度經錄  
方省反大金閻浮洲南二鐵圍山外有閻摩羅王宮殿縱廣正等  
六千由旬七重欄楯七重行樹園苑華池種種美果  
香風遠薰衆鳥和鳴王以惡業晝夜六時自然有赤  
融銅汁在前出生宮殿即變爲鐵獄卒取王撲熱鐵  
地以銅汁寫置口中時王怖畏作念願我捨身於人  
間受生如來法中正信出家發是善念宮殿變成七



寶五欲具足

起世經

閻羅王昔為毗沙國王與維陀始生王戰兵力不敵因立誓願為地獄主臣佐十八人領百萬衆同立誓曰後當奉助治此罪人毗沙王者今閻羅王是十八臣者今諸小王是百萬衆者諸阿旁是問地獄經阿旁此云無琰摩羅此言雙王兄主男獄妹主女獄正法念經兄妹皆作獄主故云雙王又苦樂並受故義經音阿鼻地獄縱廣八千由旬七重鐵城七重鐵網有十八階子即的及周匝七重皆是刀林四大銅狗十八獄卒八頭六十四角六十四眼有七鐵幢火涌如佛若有罪逆命終之時銅狗化十八車狀如寶蓋一切

火燄化為玉女罪人遇見心喜欲往風刀解體寒急作聲寧得好火安在車上即便火然罪人命終來坐火車屈申臂頭直入阿鼻從上階下如旋火輪至於下階化閻羅王大聲告敕癡人獄種汝在世時不孝父母邪見無道汝今生願名阿鼻獄如是大苦一日一夜如人間六十小劫如是壽命盡一大劫具五逆者受罪五劫復有衆生犯四重禁虛食信施誅謗邪見不識因果斷學般若毀十方佛偷僧祇物娼遊無道此人罪報經八萬四千大劫復入東方十八階子如前受苦南西北方亦復如是阿鼻即無救也觀三昧海經○鼻音毗○智炬經阿毗地獄應時破壞當知此音無疑○楞嚴經既言阿鼻又用無間今阿鼻目







